

SARS e qhelela ka thoko menyenetsi e mabapi le ho nonyetswa ha deitha

Tshwane, 25 Motsheanong 2026 - Ditshebeletso tsa Lekgetho tsa Afrika Borwa (SARS) di hlokometse menyenetsi e ho marangarang a dipuisano mmoho le ditlaleho tsa onlaene tse kumang hore mekgwatshebetso ya yona e nonyeditse. Kamehla SARS e dula e behile leihlo mekgwatshebetso ya yona bakeng sa sefe kapa sefe se belaetsang mme a bile le diphuputso tsa ditlaleho tse. Menyenetsi ena ke **leshano mme di hloka motheo**.

Mothating ona, ha ho bopaki bo bontshang hore mekgwatshebetso ya SARS e nonyeditse. SARS e lakatsa ho kgoba matshwafo a setjhaba mabapi le botshepehi ba mekgwatshebetso ya yona.

SARS e nka tshireletseho ya lesedi la balefalekgetho mmoho le tshireletseho ya dikanale tsa yona tsa dijithale e le tsa bohlokwahadi le tse bohareng ba boikarabelo ba yona. Sena se amana hantle le boitlamo bo nammeng ba SARS ba ho aha setheo se bohlale, sa sejwalejwale seo botshepehi ba sona bo sa belaelweng, le ho ntlafatsa tshepo eo setjhaba se nang le yona hodima mekgwatshebetso wa taolo ya lekgetho.

Setjhaba se eletswa hore se nnetefatse lesedi pele se arolelana ka lona le ho se fafatse dintho tse sa nnetefatswang kapa hona ho tshepela leseding le tswang mehlooding eo e seng ya semmuso. SARS e tla tswela pele ho beha leihlo tikoloho ya yona ya dijithale mme moo ho hlokehang, e tla fana ka tsebsio ka tshebediso ya dikanale tsa yona tsa semmuso. Setjhaba se boela se eletswa ho dula se fadimehetse dikema tsa boqhekanyetsi / boikgakanyo, haholoholo moo melaetsa ena e iketsang e kang e hlaha ho SARS, le ho latela kgokedi ena e latelang bakeng sa tataiso: <https://www.sars.gov.za/targeting-tax-crime/scams-and-phishing/>

Re kgothaletsa balefalekgetho le bahwebi ho itshepela dikanale tse nnetefaditsweng ho fumana lesedi le nepahetseng.

Ho fumana lesedi le fetang lena, ka kopo ikopanye le SARSMedia@sars.gov.za

KE PHETHO.